



Udruženje poslodavaca FBiH
N/r Direktor
gosp. Miladen Pandurević
Mula Mustafe Bašeskije 12/3

71000 Sarajevo

MANN+HUMMEL BA
Fabrika filtera
Dioničko društvo Tesanj
Industrijska zona, Bukva b.b.
74260 Tesanj, Bosna i Hercegovina

Filter factory
MANN+HUMMEL BA
Joint Stock Company, Tesanj
Industrijska zona, Bukva b.b.
74260 Tesanj, Bosnia and Herzegovina

Phone +387 (0)32 650 585
Fax +387 (0)32 650 742

informba@mann-hummel.com
www.mann-hummel.com

Broj protokola: 3364 / 15

22.09.2015.

Predmet: Primjedbe na Nacrt Zakona o porezu na dobit

Poštovani,

Budući da se porezni poticaji kod poreza na dobit smatraju najvažnijim među fiskalnim poticajima općenito u svijetu, dostavljamo primjedbu na član 30. Nacrta Zakona o porezu na dobit a koji glasi:

VI POREZNI POTICAJI

Član 30.

- (1) Porezni obveznik ima pravo na porezno priznati rashod u visini dvostrukog iznosa bruto plaće isplaćene novoprimljenim zaposlenima ukoliko ispunjava sve navedene uslove, i to:
- a) trajanje ugovora o radu mora biti najmanje na period od 12 mjeseci;
 - b) broj ugovornih radnih sati sedmično mora biti iznad 40 i
 - c) novoprimljeni zaposleni nije bio zaposlen kod poreznog obveznika ili povezanog lica u prethodnih pet godina.
- (2) Porezni obveznik ima pravo da odbije od porezne osnovice troškove stipendija učenicima i studentima koji nisu povezani s poreznim obveznikom i na redovnom su školovanju, do iznosa koji je oslobođen poreza prema propisima o porezu na dohodak.

Napomena da trenutno Zakon o porez na dobit predviđa porezne poticaje i to:

Član 31.

Obveznik koji je u godini za koju se utvrđuje porez na dobit izvozom ostvario preko 30% od ukupno ostvarenog prihoda oslobađa se plaćanja poreza na dobit za tu godinu.

Član 32.

(1) Obveznik koji u periodu od pet uzastopnih godina investira u proizvodnju u vrijednosti od najmanje 20 miliona KM, na teritoriji Federacije BiH, oslobađa se plaćanja poreza na dobit za period od pet godina počevši od prve godine investiranja u kojoj mora biti investirano najmanje četiri miliona KM.

(2) Ako obveznik iz stava 1. ovog člana, u periodu od pet godina ne dostigne propisani cenzus za investiranje, gubi pravo na porezno oslobađanje, a neplaćeni porez na dobit se utvrđuje prema odredbama ovog Zakona uvećan za zateznu kamatu koja se plaća na neblagovremeno plaćene javne prihode.

Član 33.

Obveznik koji zapošljava više od 50% invalidnih lica i lica sa posebnim potrebama duže od godinu dana oslobađa se plaćanja poreza na dobit za godinu u kojoj je bilo zaposleno više od 50% invalidnih lica i lica sa posebnim potrebama.

Član 34.

Obveznik - poslovna jedinica nerezidenta koji je osnovan ili čije je sjedište ili kojem se stvarna uprava i nadzor nad poslovanjem nalazi izvan teritorije Federacije, a u Bosni i Hercegovini oslobađa se plaćanja poreza na dobit za dobit koju ostvari poslovanjem na teritoriji Federacije.

Dakle, kako smo u samom uvodu naveli porezni poticaji općenito u cijelom svijetu podrazumjevaju poticaje kod poreza na dobit i smatraju se najvažnijim fiskalnim rasterećenjem za privredu. Nacrt novog zakona u biti podrazumjeva „ukidanje“ poreznih poticaja, pravih fiskalnih rasterećenja.

Fiskalne mjere odnosno razni porezni poticaji najčešći su oblik državne intervencije u funkciji izgradnje konkurentnosti. Porezni poticaji za izgradnju konkurentnosti uglavnom se prepoznaju kao poticaji za privlačenje investicija, inovacija te izvoza. Sve su to ujedno i sinonimi za termin „konkurentnost“. Ono što je bitno istaknuti je da se porezni poticaji u svrhu učinkovitog postizanja svojih ciljeva moraju provoditi u sklopu industrijske politike. Industrijska politika podrazumijeva šire područje ekonomske politike koje se odnosi na mjere i instrumente državne intervencije sve u cilju poticanja privredne aktivnosti i izgradnje konkurentnosti u tržišnim privredama.

Smatramo da porezni poticaji trebaju da budu instrument poticaja razvoja ekonomski nerazvijenih zemalja kao što je Bosna i Hercegovina, privlačenjem inostranog kapitala i poticanjem izvoza a samim tim povećanjem konkurentnosti na tržištu.


Smatramo da uloga poreznih poticaja u izgradnji konkurentnosti nije mala ni zanemariva. Zašto ukidati porezne poticaje kao instrumente poticaja razvoja privrednog rasta i razvoja slabo razvijenog BiH područja?

Smatramo da porezni poticaji su važan instrument u poticanju ekonomske aktivnosti, privrednog rasta, investicija i izvoza.

Ukidanjem poreznih poticaja iz postojećeg Zakona ima li bi najmanje porezne poticaje u odnosu na region i samim time i preveliki rizik od još većeg ekonomskog propadanja ionako ekonomski nerazvijene zemlje.

Zaključak: U skladu sa svim naprijed navedenim molimo da se preispita član 30. Nacrta Zakona o porezu na dobit , odnosno da se zadrže članovi 31. i 32. postojećeg Zakona o porezu na dobit.

Direktor
Galijašević Mahmut



ID Sektora Finansija i kontrolinga
Schmidt-Ewig Axel

